



C. 80





2519
L 24953

LE
IVGEMENT
DE MINOS.

CONTRE LES TROIS
GERYONS QUI PILLENT
la France.

M. DC. XX.

X

THE NEWBERRY LIBRARY

LIBRARY

Case

F

39

.326

THE NEWBERRY LIBRARY

1670 ju

LE IUGEMENT DE MINOS

CONTRE LES TROIS GERYONS

qui pillent la France.

CE grand Agefilaus Roy de Sparthe, estant vn iour avec certains de ses fauoris, & que chacun proposoit quelque gentille question sur les affaires de l'Estat & gouuernemēt d'vn Royaume, Republique ou Monarchie, vn d'entreux luy demanda, Sire, quelle chose est la plus requise & necessaire pour le gouuernement & cōduite de vostre Royaume de Sparthe? luy qui estoit tres-sage & magnanime Prince respondit promptement, c'est Iustice, car dit-il, que sert la force, la prudence & autres vertus, si Iustice ne marche en teste, n'accompagne & ne suit de pres le Roy, aux affaires de son Estat: ô response digne d'vn tel Roy! lors que le loup vient ataq̃uer le parc des brebis, il ne suffit pas de crier hau le loup, hau le loup, mais sans tarder il faut haller les chiens dessus, & avec leuiers & bastons le mettre a bas, pour deliurer les pauvres brebis des pattes & dents sanglantes de ce loup affamé, Ha, pauvres François aujourd'huy, ie dis voirement, pauvres, sans vous faire tort, parce que n'avez plus ceste generosité, ce cœur magnanime, ce bras vainqueur de monstres que vous auiez autresfois: vous estes de pauvres & craintiuës brebis qui l'aissiez tondre vostre laine aux estrangers: qui donnez vostre chair a manger aux loups, & vous mettez comme en seruitude soubz le ioug insolent & cruel de trois

harpyes mal-heureuses, qui se moquent du
 Roy, le trahissent, le pipent, & emportent tous
 les iours par subtils moyens ses richesses & les
 vostres: vous voyez vostre ruine & n'en osez
 parler, vous voyez vostre honté, & vostre nau-
 frage prochain & vous ne dites mot? quoy estes
 vous enchantez? estes vous perclus de sens &
 entendement? mais estes vous lethargiques? ou
 est la fidelité que monstrez au Roy, qui pour sa
 ieunesse ne peut encor penetrer dans l'ambigu
 des malins & dissimulez courages de ceux qui le
 flatant le trahissent: vous voyez son damage &
 le vostre, & vous dormez? ha! dormir mortel,
 qui sera si n'y prenez garde semblable à celuy de
 Palinure conducteur de la nef d'Ænée qui cheut
 endormi dans la mer, lors qu'il falloit veiller
 pour conduire le Nauires a port, que pleust a
 Dieu qu'en ceci, vous fissiez comme les anciens
 Cauniens, qui pour la jalousie de leurs Dieux
 propres & tutelaires prenoient les armes en dos
 le iour de leur deuotion & feste, & couroyent
 par toute leur baulieuë, frappans l'air de tons
 costez avec glaiues, pourchassoient ainsi a ou-
 trance & bannissoient les Dieux estrangers de
 leur territoire: vous voyez trois hommes plus
 pernicieux mille & mille fois, portans plus de
 mal-heur a vostre bon Roy que ne fit onques
 le mal-heureux & infortuné cheual Sejan à ces
 cinq misérables Cheualiers Gneus Sejan^o, Do-
 labella: Gneus Cassius, Marc Antoine & Nigi-
 dius: ils se sont establis par moyens pernicieux
 & illicites, au dessus de la chambre du Roy
 dans son Louure: occupé par finesse les plus bel-

les & fortes places de son Royaume: se font fourrez cauteleusement dans les plus illustres familles & prins leur alliance, encor qu'ils en soyent du tout indignes pour leur basse & du tout obscure extraction, ils peuuent dire aussi vn chacun à part-foy.

Quot Prothei vultus, tot sunt in ihi nomina & artes.

Plus dissimulez & trompeurs qu'un Prothee deceuable, qui se trans-formoit en toutes manieres pour tromper & deceuoir: & pour se mieux establir ont attiré & attrappé hors des coffres du Roy des sommes de deniers excessiues, & qui affoiblisent du tout ce pauvre Empire. Il a esté dit de roy autrefois ô France, qu'il n'y auoit point de monstres dans ton beau & plantureux terroir: ouy cela a esté, mais helas! auourd'huy tu y vois à ta grâde honte & ruine trois monstres horribles & hideux; trois Geryons, trois Prothées, trois Acheloës, trois harpyes, trois fils outrageux & inhumains Iuppiter. Neptun, & Pluton, qui chassent leur bon pere Saturne de son Ciel partagent son empire & l'en depossèdent: & pouuons dire de ces trois qu'ils en font le mesme, se faisant redoubter comme trois Roys en France, au grand mespris & perte du Roy, & à la ruine ô France miserable, si tu fermes dauantage tes yeux pour ne voir ton naufrage. L'entree des noirs enfers cōme disent les Poëtes; mais souz vn bon sens & moral) est gardée par l'horrible chien à trois testes, abayant iour & nuict, & au milieu de nous s'y voyent trois horribles monstres qui empeschent

vn chacun, fors leurs partisans d'auoir entree au Roy, Le miserable Orestes pour le crime execrable par luy commis en la personne de sa mere, fut agité, & tourmenté par trois cruelles furies: de mesmes nous voyons que trois infernales Harpyes charment nostre bon ieune Roy, & luy font accroire tout ce qu'ils veulent, l'endormēt & l'enchantent, & nous le voyons & n'endisons mot: Les trois fatales Parques Clotho, Lachesis, & Atropos tirent, & conduisent le fil & le cours de nos ans: & trois freres inconnus & estrangers tiennent le Roy & l'Estat en leurs mains, en disposent comme ils veulent: & nous les voyons, & l'endurons: Bref comme les trois Roys vindrent d'Orient aydez de l'Estaille qui les conduisoit, offrir leurs riches dons humblement au grand Roy nouvellement n'ay en Bethleem, & s'en retournerent: mais ces trois tout au rebours, sont venus des lieux hors de France, souz laide & conduite de leurs Pies, Singes & moineaux, desrober l'or & l'argent du Roy, enuahir ses villes & places fortes, & ne s'en retournent point qu'en dites vous, ô François, non plus François ou Coqs genereux, non Gallipugnaces, sed effœminati Capones: voyez vous pas vostre honte? sentez vous pas vostre dommage? ho que sagement cestuy cy a dict que (optimum est aliena insania sapere: entendez si vous voulez c'est vn poinct bien ayzé, faut estre prudent en ceci, mais aussi il y faut le remede & contrepoison, car.

L'ennemy descouuert, qui d'un cœur genereux,

7
Vient pour nous assaillir n'est pas si dange-
reux,

Que s'il qui est caché, au marinier plus sage
L'escueil caché souz l'eau cause souuent nau-
frage.

Le pipeur vse de tous secrets pour attraper
en ses filets ceux qui n'y prennent garde: ne faut
s'endormir comme l'animal. Oryx qui au lieu
de se mettre en fuitte ayant apperceu les cha-
seurs & les chiens, s'amuse a brouter, & estant
pris s'endort dans les filets: ne nous endormons
point, nous voyons ces trois rusez chasseurs,
qui sont iour & nuict à la proye: ils emportent
tout, ils ioient à la rasle de nos restes: & se can-
tonneront à la fin chargez de nos despouilles &
nous feront la guerre: car quelle fiance y a il à
gens incognus & estrangers qui n'ayans respect
à la personne & autorité du Roy, à l'honneur
& reuerence des Princes & des grands, ne cer-
chent qu'à s'agrandir [per fas & ne fas] d'estoc
& de taille, comme qu'il en soit: voire estans si
impudens de dire que la France ressemble vn
Oyson, plus on luy arrache de plume: plus il en
recroist a foison? ha, trompeurs vous auez raisõ,
diroit. on, mais ordinairement les plumeurs de
tel Oyson, en rendent la plume cent ans apres,
& n'escappent iamais la vengeance de Dieu &
des hommes qu'ils offensent avec si grande
impudence & licence debordee, car comme a
dit vn ancien.

Ducit numen malos ad pœnas.

Le meschant n'eschappe point la peine: qui
le suit pas a pas & l'atrape finalement luy facent

cherement & avec grosse vsure payer l'amende de sa perfidie, tromperie desloyauté: & n'est ja besoing de s'enfuir: car vengeance armée courant apres crie.

Quò fugis; ah demens:

Nulla est fuga, tu licet vsque

Ad Tanaym fugias.

Instat pœna tibi supra caput instat vbique.

Ha, meschant, ou penses tu fuyr? il n'y a pas moyen: tu seras ô hideux monstre a trois testes attrapé, car la iuste vengeance te suit, n'avez vous point appris, hardis attrapeurs, comme Sepio, Seruilius, Cosul Romain mourut miserablemēt pour auoir desrobé l'Or du Temple de Tolose, & tous ceux qui en toucherent avec luy?

N'avez vous point aussi ouy dire (non, car vous n'avez iamais riē appris qu'à piper & chasser aux moineaux à l'entour de Mornaz & les porter vendre à Orange) comment Brennus tres-valeureux Capitaine des Anciens Gaulois pour auoir rauagé & pillé le Tēple de Delphes fut foudroyé du Ciel & accablé de la gresle avec toute son armee, comme le recitent Tite Liue liure 5. Iustiniem liure 22. Aule Celle liure 3. chap. 9. & Strabon liure 4. & vous ayans volé le Roy, succé les biens de la France par meschantes & frauduleuses pratiques, & fait mille enormes actes pour vous haulser, ne pensez vous d'en receuoir le salaire à vos peines? Les vrays François Zelateur au seruice de leur Roy, cependant que Minos, Æacus & Rhadamanthe, Iuges infernaux font vostre procez prient
Tantale

Tantale, qu'estans arriuez en ces basses foïsses
Plutoniques qu'ils vous refuse de son onde à
boire: que Pluton relasche Yzion de sa rouë &
qu'il vous y attache: que Mercure deslie Pro-
methée & qu'il vous mette en sa place les plus
haut du Cancaïe en peine tousiours renaissan-
te & nouuelle, & que rouliez à iamais le rocher
de Sisyphe puis que voulez ruiner nostre Fran-
ce, & que le Cynique ne cesse d'abbayer apres
vous, estans victiennes execrables arriuez en
nostre terroir pour abuser le Roy, vous moc-
quer des Princes & des grand, & mettre à sac
la France: allez allez, estrangers ennemis, aux
cannibales avec ceux qui vous tiennent le
menton, se seruant de vous finement comme
de marottes pour vous donner le sault quand
ils auront estably leurs affaires: ils sont trop
cognus par tout, il n'est besoing de les qualifier
autrement, ne voulans recognoistre personne
plus braue qu'eux, & ne receuoir comparai-
son que d'eux mesmes, tant ils sont impudens:
Venise & autres lieux: ayans cogneu leurs ruses
& hypocrisie, ne veulent plus ouyr leurs co-
medies de peur qu'elles ne se changent en tri-
stes Tragedies. L'embleme du feu est plein de
grande signification, qui dit, (Nec prope, nec
longè,) ny trop pres, ny trop loing, celuy qui se
veut chauffer commodement, ne doit s'appro-
cher trop pres du feu: car il se brusleroit, si trop
loing, il ne se chauffera point, de mesmes en est
il du Roy: il s'en faut aprocher avec modestie,
crainte, honneur, & reuerence, tousiours prest
de receuoir ses commandemens & les executer

fidèlement, & non pas y venir avec des moineaux, des Singes, des papegaux, des Piegriches & des gays pour le piper, tromper & attraper son argent en cauteleux matois: jamais oyseleur ne vendit si cherement ses oyseaux: les flatteurs font bien leur cas en Cour, mais c'est aux Roys a fermer la porte & l'oreille à tels hapelourdiens rusez, & en leur place y admettre gens sages, fidelles, non auaricieux & dissimulez: ha, quel malheur quād le flatteur s'approche de l'oreille du Roy ou du Prince tout malheur s'en ensuit, car,

Blandus adulator, Regum certissima Pestis

Nititur resentes perdere sapē viros.

Le flatteur deceuant & dissimulé est la mortelle peste des Roys & Princes, car il faict perdre le iuste & l'innocent, voila pourquoy le sage Philosophe Antithenes disoit tres-bien qu'il estoit beaucoup meilleur de tomber entre les Corbeaux affamez, qu'entre les flatteurs: car les corbeaux ne deuorent que les corps qui sont morts, ne s'osant attaquer aux viuants: mais les flatteurs deuorent les corps des hommes viuants, emportent leur substance & les ruynent totalement.

Et en passant ie diray ceci, que si ces finets & hardis trompeurs prenoient garde à ce qu'à dit autrefois vn sage, (vtinam Aulici saperent præterita: intelligerent præsentia prouiderent futura:) pleust à Dieu dit-il que plusieurs courtisans pussent regarder aux exemples du passé: qu'ils entendissent bien ce qui leur est presen-

té à leurs yeux & iettaſſent leur eſprit ſur l'ad-
 uenir : ils feroient mieux leurs affaires & plus
 ſeulement : n'y a pas long-temps que le Con-
 chin en laiſſa vne terrible, & memorable hi-
 ſtoire exemplaire à ceux cy qui n'eſtans deue-
 nus ſi grands & riches que depuis trois iours,
 comme on dit, ſont en danger de donner du
 cul dans les braiſes : les temeraires & mal ad-
 uiſez du temps paſſé ont ſenti a leur dam la iu-
 ſte punition deuë a leur arrogance & folie:
 Conchin, commel'on dit, leur en a eſcript vne
 bonne râtelee, ils oyent de tous coſtez crier
 aujourdhuy, au Diable ſoient donnez ces trois
 canailles, ces affamez eſtrangers, tous leur en
 veulent & à bon droit : quand ils entendent
 cela, ils deuroient auoir peur & trouſſer baga-
 ge, demander pardon au Roy & aux Princes, &
 vn paſſeport pour ſortir en aſſurance, il y a de
 la diablerie pour eux, ie m'en rapporte, tout le
 monde eſt tellement animé contre eux, que ie
 ne ſçay s'ils en pourront iamais ſortir brayes
 nettes.

Tant plus au Ciel les choſes ſont pouſ-
 ſees,

Plus de fortune elles ſont menacees

Et de l'enuie, à qui rien n'eſt plus cher

Que voir d'en haut tels pipeurs renuerſer.

Fortune eſt de mauuais cognoiſtre, elle rid
 lors qu'elle veut mordre. Ces trois nouueaux
 venus la portent encadenaffee de chaines d'or,
 penſans par ce moyen la retenir par force & la
 ſoubmettre à leurs extrauagantes volontez,
 mais eux meſmes rompent ces chaines par

leur folie & leur fortune aussi se trouuera de verre, laquelle plus est reluisante, plus aussi est elle deceuant, (*vitera est, quum splendet frangitur.*) L'amitié des grands est bõne & honorable quand on la sçait bien mesnager: mais elle est fort dangereuse, quand on en abuse: car lors changeant de visage, adieu bon-temps, la voiture est perduë, le miserable & outrecuidé Ixion chez les Poëtes, ayans receu quelque coup d'œil de faueur & bonne grace de Venus, en deuint si orgueilleux qu'il print l'hardiësse des'en approcher vn peu trop temerairement, mesprisant des-ja les inferieures Deitez, (contre nos trois hommes, qui mesprisent tout le monde, ayans la bonne grace du Roy] mais pour telle temerité il fut condamné aux enfers d'estre attaché a vne rouë par des Serpens qui le pinçoient & mordoient incessamment, car comme a dit le Poëte de luy.

Ixion qui n'auoit ambrassé qu'une nuë

Disoit auoir iouy de Iunon toute nuë.

Faire entreprises qui tiennent du tout de l'impossible, c'est proprement pescher des escreuisses sur les Pyramides d'Ægypte: faire les grands & n'auoir eu des moyens que par meschantes pratiques, & n'auoir iamais esté de cognoissance d'homme que pauvres oyseleurs & gueux à platte besace, c'est vn coup fort dangereux. Sapor Roy des Perses, issu de fort pauvre lieu deuint si insolent, qu'il se nommoit Roy des Roys, compagnon des estoilles, frere du Soleil & de la Lune: mais finalement avec cest orgueil insupportable, ayant perdu la bataille contre

son ennemy fust par le Preuost Orondates pendu au haut d'une montagne, & estant ainsi en l'air, il fut voisin, non compaignon du Soleil, des Estoilles de la Lune. Les amys de ce monde selon qu'on les gouuerne & entretient, sont souuent semblables aux iettons des compteurs, qui valent quelquesfois cent mille escus, dix mille escus, vn escu, & quelquefois seulement vn double ou vn denier : prenez garde, vous estes trop haut montez & en peu de temps, la cheute en sera lourde, (car comme dit Boëce l.i. de consol. Philoso,) se mocquant de vous autres & de vos semblables, qui de tant haut tant bas, les bras croisez tant tristes de se voir par terre dient.

Quid me fœlicem toties iactatis amici?

Qui cecidit, stabili non erat ille loco.

Ne dites point tant, hō que les trois Luy-nars sont heureux, celuy qui est cheut, n'estoit pas en lieu asseuré : douuient ce mal? c'est l'orgueil, c'est l'ambition qui apporte tousiours vne fin mal'heureuse: (Pereunt artifices arte sua,) nous voyons ceci clairement au 8. chap. du second liure de Samuël, ou il est dit qu'Absalon fils de Dauid nourrissoit pour parade sa pesante perruque, mais il fut par icelle pendu comme à vn cordeau en la forest d'Ephraïm, & fut tiré en ceste façon: ainsi l'orgueilleux & ambitieux nourrit si long-temps son orgueil & ambition qu'elle le perd finalement, & lors ces bonnes gens, ces glorieux superbes a leur honte chanteront ce dernier motet, mais mal contens & faisant bonne mine.

Las ce qu'on voit de mondain
 Iamais ferme ne se fonde,
 Ains faict & refaict soudain
 Comme le branle d'une onde.

Nostre sage & iuste Roy Louys que Dieu
 conferue heureusement cognoissant quelque
 iour, que telles gens & autres qui veulent aller
 à costé de luy au lieu de le suiure sont perni-
 cieux en son Royaume suyura comme i'espere
 en sa iustice & misericorde, le sage conseil que
 Periander vn des sept sages de Grece donna à
 Trasibulus grand Prince & Chef d'armee des
 Atheniens: il couppa en sa presence au milieu
 d'un grand champ plein de bleds meurs, tous
 les espics qui surpassoient les autres, sans luy
 dire autre chose: dont depuis il fit son profit, &
 reduisit son Royaume a esgalité chastiant les
 orgueilleux & temeraires qui abusoient de sa
 dignité & reuerence,

Finalement comme le paintre Zeuxis vou-
 lant faire l'image de Iuno, pour la mettre au
 Temple de sa ville eut deuant luy toutes les
 plus exquisés beautez qui fussent pour lors,
 afin que chacun des plus beaux traits de leur
 visage, il en fit vn assemblage au portraiët de sa
 Déesse.

Cest icy le point & le pont qui tremble com-
 me l'on dit ou ces hardis entrepreneurs trou-
 ueront la mauuaise chance de leur ieu, ils ont
 affaire à de rudes & inexorables Iuges qui iu-
 gent definitiuement & sans appel, & puis qu'ils
 n'ont iamais rien fait qui vaille, qu'elle grace
 veulent ils pretendre? que veulent ils allaguer

qui face par leur cause: tant fait contre eux: tous leurs en veulent: chacun attend les nouvelles de leur religion en leur maigre pays: nous ne les auons iamais cognus ny aymez, & n'en voulons plus, ains les enuoyent despeints de leurs viues couleurs à ces Iuges affreux qui au rapport des tesmoings, les declarent coupables & criminels d'une infinité de crimes, maluersations & fautes insignes, tant cōtre le Roy leur bon Maistre, que contre tous les Princes, & grands Seigneurs, & toute la France en general, suiuant laquelle deposition, & tous d'un consentement, nous Iuges infernaux, par le commandement du grand Platon: le tout veu & considere au noir Palais, infernal auons iugé les trois Geryons & harpies à tenir prison perpetuelle aux cachots de Pluton, les faisant en cecy grace, & ce pour exemple à tous autres orgueilleux & pipeurs. Donné & prononcé en nostre enfumé m'anoir le dernier d'esté, l'an de repentance perpetuelle. Allez donc descendez & gardez d'en sortir.

F I N.

